



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 813. Usque Ad Annum 859

**Fleury, Claude**

**August. Vind. [u.a.], 1760**

**VD18 90117867**

§. 7. S. Ansharius in Dania.

---

[urn:nbn:de:hbz:466:1-66103](https://nbn-resolving.org/urn:nbn:de:hbz:466:1-66103)

Sæculum IX. nea Palatio proxima solus degere, ora  
 A. C. 826. tioni ac lectioni vacare.

## §. VII.

*S. Anscharius in Dania.*

*vit. to. 6. Act.* *SS. Ben.* *p. 79.* Anscharius adolescentulus Monasterio  
 Corbejensi ad Sommonam traditus,  
 ad pietatem excitatus est multis visioni-  
 bus, quas solummodo amicorum intimis  
 communicavit, & non prius quam e vi-  
 ta excessisset, quod ipse multis precibus  
 efflagitaverat, vulgatæ sunt. Munus  
 docendi in illo Monasterio ipsi injun-  
 ctum, cumque Corbeja nova in Saxonia  
 fuisset fundata, statim illo missus est, ut  
 & ibi Magistri officio fungeretur.

n. 9.

n. 12.

Tunc igitur, cum hominum confor-  
 tia fugeret, & ad iter capeffendum in  
 Daniam omnia pararet, Monachus no-  
 mine Autbertus, qui tunc etiam cum  
 Wala Abbate in Palatio versabatur, ad  
 eum venit, & interrogat, serione illam  
 profectionem moliretur? suspicatus est  
 primum Anscharius, fraudem quæstioni  
 subesse, qua a proposito dimoveretur.  
 Sed Autberto affirmante, quod sinceris-  
 simo animo ageret, dixit, statutum sibi  
 esse, proficisci. *Ego vero,* respondit Aut-  
 bertus, *non permittam ut solus eas,*  
*comes ero individuus pro Dei amore,*  
*si modo facias, ut mibi abeundi facultate*  
*Abbas tribuat.* Anscharius Wala  
 ex



ex Palatio redeunti obviam procedit di-  
 cens, sibi suscipiendi itineris socium esse  
 oblatum, & cum Autbertum nominas-  
 set, Abbatem in admirationem rapuit.  
 Erat enim Autbertus nobilissimis natus  
 parentibus, quem Abbas arcanorum con-  
 scium, & rebus domesticis præfectum  
 habebat. Ipsum ergo Autbertum inter-  
 rogat, & abeundi licentiam concedit,  
 utrique edicens, nemini se ex Congrega-  
 tione sua præcepturum, ut ipsis famula-  
 retur, nisi sponte ire vellet, quia inhu-  
 manum sibi videretur, quemquam com-  
 pellere, ut inter Infideles versaretur.

Wala ambos deduxit ad Imperato-  
 rem, qui eorum proposito maxime de-  
 lectatus, dedit eis supellectilem Sacram,  
 cistas, tentoria, aliaque ad longum iter  
 necessaria. Præcepit vero, ut Heriold-  
 dum & suos in fide confirmarent, ne in  
 pristinos errores relaberentur, sed ad  
 convertendos alios plures animum ad-  
 jicerent. Itaque profecti sunt nullum  
 servulum habentes, nam Herioldus Neo-  
 phytus, quanti faciendi essent viri, igno-  
 rabat, & Dani ipsius comites alienis e-  
 tiam moribus imbuti parum in eos in-  
 tenti erant. Hinc itineris principium  
 non sine gravi difficultate fuit. Ubi Co-  
 loniam pervenerunt, Hadelbaldus An-  
 tistes eorum necessitati compatiens na-  
 vem eis peculiarem, ubi sua reponerent,



Sæculum IX. concessit duabus mansuunculis instru-  
A. C. 826. ctam. Hæc cimba Regi Herioldo tam  
 commoda visa, ut una Cellula ipse ute-  
 retur, altera Monachis relicta. Unde  
 deinceps cum eisdem familiaris agere  
 cœpit, & ipsius etiam famuli promptus  
 Sanctis Viris obsequi. Ita secundo Rhe-  
 no vecti, Frisia peragrata ad Daniae fi-  
 nes pervenerunt. At Herioldus, cum  
 necdum secure in patria degere posses-  
 remansit in Frisia illam Ditionem, quam  
 ab Imperatore dono acceperat, inco-  
 lens.

Anscharius & Autbertus in illa Pro-  
 vincia cum ipso remanserunt, & jam in-  
 ter Fideles jam inter Paganos versati  
 prædicando & erudiendo quotquot pot-  
 erant, convertebant. Multi fidem am-  
 plexi sunt, votis ac conatibus piis re-  
 spondente successu. Duo viri Religio-  
 quærebant pueros, quos emerent, & in  
 Dei Servitio educarent. Herioldus  
 Rex de suis aliquos dedit, unde Scholam  
 plus quam duodecim puerorum congrega-  
 runt. Adsciti etiam aliunde adjuto-  
 res, quorum ope ac subsidio Christiana  
 Religio in illis partibus mirifice propa-  
 gata. Cum ita duobus amplius annis  
 laborassent, Autbertus morbo correptus  
 in Saxoniam ad novam Corbejam deduc-  
 citur, ubi felici transitu extremum diem  
 clausit.